

25 November. 2025

समे .18:15 Hrs

<><><><><><>

Headlines

- प्रधानमंत्री नरेंद्र मोदी होरें अज्ज अयोध्या च श्री राम जन्म भूमि मंदर दे शिखर पर धर्म ध्वज फैहराया, उनें आखेआ जे एह झंडा भारती सभ्यता दे नमें सिरेआ जागृत होने दा बी प्रतीक ऐ।
- मुख्मन्त्री उमर अबदुल्ला होरें मैहकमा माल दे बकाया पेदे ढांचागत प्रोजेक्टें दी समीक्षा कीती ते आखेआ जे इनें कम्में गी पैहल दी विनाह पर मरहलेवार ढंगै सिर तोड़ चाढ़ेआ जा।
- जम्मू-कश्मीर पुलसै बारामुला च टैक्स चोरी ते पैहे दी हेराफेरी दे मामले च 2 तालीमी इदारे खलाफ जांच शुरू कीती ऐ, इक होर इदारे खलाफ गैर कनूनी गतिविधिएं पर रोकथाम सरबन्धी कनून तैहत एफ.आई.आर दर्ज।
- सरकारै समूलची कश्मीर डिविजन ते जम्मू डिविजन दे सयाले आहले जोन लेई स्याले दिएं छुट्टिएं दा शैड्यूल जारी करी दिता ऐ।
- मौसम विभाग नै जम्मू-कश्मीर च औंदी 10 दिसंबर तगर मौसम आम तौरा पर खुशक बने दे रौहने दी पेशगोई कीती ऐ।

<><><><><><>

PM-Ayodhya

प्रधानमंत्री नरेंद्र मोदी होरें अज्ज अयोध्या च श्री राम जन्म भूमि मंदर दे शिखर पर “धर्म ध्वजा” आहला भगवा झंडा फहराया। एह मंदर दा निर्माण कम्म पूरा होने ते सांस्कृतिक उत्सव दे राश्ट्री एकता दे इक नमे ध्याऽ दी शुरूआत दा प्रतीक ऐ। इस मौके पर अपने संबोधनै च मोदी होरें आखेआ जे एह “धर्म ध्वजा” भारती सभ्यता दे नमे सिरेआ जागृत होने दी बी प्रतीक ऐ ते कन्नै इस गल्लै दा सबूत बी जे आखरकार झूठ पर सच्चाई दी गै जित्त होंदी ऐ। उनें आखेआ .

प्रधानमंत्री होरें अगगे आखेआ जे लोकतंत्र भारत दे कण-कण च यानि एह मुल्खै दे डी.एन.ए च रचे बसे दा ऐ। उनें आखेआ जे केंद्र सरका समाज दे हर इक वर्ग दे पूरे-पराते विकास ते टकोहदा करियै कमजोर ते दबोए लतडोए दे तबकें गी उबड़ा चुक्कने लेई कम्म करा’रदी ऐ। उनें आखेआ जे जिस चाल्ली भगवान राम समाज च फर्को-फर्की च यकीन नेई हे करदे, उन्दे इस्सै संदेश दा अनुसरण करदे होई मजूदा सरकार बी समाजी बरोबरी दे जज्बे कन्नै कम्म करा करदी ऐ। उनें आखेआ

<><><><><><>

मुख्यमंत्री उमर अब्दुल्ला होरें मैहकमा माल च बकाया रौहंदिएं ढांचागत परियोजनाएं दे बारे च इक जायजा मीटिंग दी अध्यक्षता कीती। उनें जोर देइयै आखेआ जे जिन्हे बी प्रोजेक्टें पर कम्म बकाया रौहंदे न, उनेंगी पैहल दी विनाह पर ते मरहलेवार ढंगै सिर तौले तोड़ चाढ़ेआ जा तां जे लोकें गी इक म्यारी सार्वजनिक ढांचा उपलब्ध होई सकै। मुख् सचिव अटल डुल्लू, मैहकमा माल ते माली कमीशनर शालीन काबरा, वित्त विभाग च प्रधान सचिव संतोष डी वैद्य, मैहकमा माल च सचिव राजीव रंजन, जम्मू दे डिविजनल कमिशनर रमेश कुमार ते होर सीनियर अफसर बी मीटिंग च मजूद हे।

<><><><><><>

Baramula Tax Evasion

पुलसै बारामुला जिले च द'ऊं तालीमी इदारेण आसेआ कथित तौरा पर टैक्स चोरी ते विदेशें थमां पैहा हासल करने दे मामले च जांच शुरू करी दिती ऐ। तोआई प्रशासन आसेआ गैर कनूनी गतिविधिएं पर रोक सरबन्धी कनून U.A.P.A तैह्त्त इक होर सकूल खलाफ बी मामला दर्ज कीता गेआ ऐ। बारामुला पुलसै अलहुदा ते सलफिया एजुकेशनल ट्रस्ट खलाफ पैहे ते लैन-देन च गड़बड़ी ते जिमी मामलें च बेजाबतिएं दे सिलसिले च तफतीश शुरू करी दिती ऐ। बारामुला पुलसै अपने एक्स हैंडल पर इक पोस्ट च आखेआ ऐ जे U.A.P.A तैह्त्त इदारा फल्हा उददरेन सोसायटी खलाफ कथित तौरा पर गैर कनूनी गतिविधिएं च मलव्वज होने पर एफ.आई.आर दर्ज कीती ऐ। पुलसै दस्सेआ जे इस सिलसिले च छापेमारी बी कीती गई ऐ ते विजन इजाजत गैर कनूनी तौरा पर चंदा किट्टा करने आहले बक्से बी जब्त कीते गे न।

<><><><><><>

Poonch-Boot Camp

कृषि अर्थ शास्त्र ते बपार प्रबंधन आसेआ कृषि विज्ञान केंद्र पुंछ दे सहयोग कन्नै जिले दे करसानें लेई इक रोजा सिखलाई केंप दा सरिस्ता कीता गेआ जेहदा मकसद उनेंगी राई-बाई दे बेहतर ढंग सरिस्ते अपनाइयै अपनी औंदन दूनी करने लेई तैयार करना हा। एह केंप राई-बाई ते एहदे नै जुड़े दे होरनें क्षेत्रें च मकाबलेबाजी ते भलेआं अज्जै-कल्लै दिएं तकनीकें, उपकरणें, मशीनें ते ढंग सरिस्ते राएं करसानें दी बेहतरी लेई शुरूआत कीते गेदे प्रोजेक्ट दा हिस्सा हा जेदे च जिले दे 100 कोला मते करसानें हिस्सा लैता। इस केंप बारै जानकारी दिंदे होई कृषि विज्ञान केंद्र पुंछ दे इक वैज्ञानिक मुजफ्फर मीर होरें आखेआ

<><><><><><>

Prog. Announcement

आकाशवाणी दा क्षेत्रीय समाचार एकांश जम्मू संविधान दिवस-2025 दे मौके पर कल 26 नवंबर गी इक विशेष चर्चा प्रसारित करने जा'रदा ऐ जेहदा विशे ऐ "भारती संविधान च नागरिकें दे बुनियादी अधिकार ते कर्तव्य"। कल दपैह्ही साढ़े 12 बजे प्रसारत होने आहले इस कार्यक्रम च स्टाडे परोहने होडन जम्मू युनिवर्सिटी दे लां

डिपार्टमेंट च असिस्टेंट प्रोफेसर डॉ. रजनीश खजूरिया जेहड़े इस विशे पर अपने माहिराना विचार श्रोताएं कन्नै सांझे करडन। इन्दे कन्नै गल्लबात करडन स्टाडियां न्यूज एंकर श्रुति खजूरिया। चेता रखेओ एह कार्यक्रम कल बुधवारें दिनें सांझे 12 बजे स्टाडे इस्सै चैनल पर मीडियम वेव 303 मीटर यानि 990 किलोहर्टज ते एफ.एम 100 अशारिया 3 मैगाहर्टज पर प्रसारत कीता जाहगा।

<><><><><><>

Winter Vacation

स्कूली शिक्षा विभाग नै अजज स्याले दी छुट्टियें आस्तै जम्मू प्रांतै दे स्याले आहले जोन ते कश्मीर प्रांरतै दे सभनें सरकारी ते निजी स्कूलें दा कार्यक्रम जारी करी दित्ता ऐ। आकाशवाणी दे जम्मू संवाददाता दी रिपोर्ट मुजब पूर्व प्राथमिकता यानि प्री प्राइमरी जमातें गी 26 नवंबर 2025 थमां लेइयै 28 फरवरी 2026 तगर छुट्टियां रौहडन। पैहली थमां 8मीं जमात गी 1 दिसंबर 2025 थमां 28 फरवरी 2026 तोड़ी छुट्टियां रौहडन ते 9 थमां 12मीं जमातें गी 11 दिसंबर 2025 थमां 22 फरवरी 2026 तोड़ी छुट्टियां रौहडन। विभाग नै निर्देश दित्ता ऐ जे ओह इनें छुट्टियें दरान सभनें शिक्षक शैक्षणिक गतिविधियें आस्तै जरूरतै मताबक हाजर रौहडन।

<><><><><><>

Const. Day

मुख्य सचिव अटल डुल्लु होरें पूरे जम्मू-कश्मीर च संविधान दिवस दे भव्य कार्यक्रम दी तयारियें दी समीक्षा कीती। एह कार्यक्रम संविधान गी अपनाने दी 75मीं बरें गंड साल भरै थमां चला करदे कार्यक्रम दा समापन समारोह होगा। सभनें मैहकमें गी एह निर्देश दिते गेन जे आपस च तालमेल बनाइयै कल यानि 26 नवम्बर 2025 गी संविधान दिवस आहले रोज गतिविधियें गी कामयाबी कन्नै तोड़ चाढ़ना यकीनी बनान। इस सिलसिले च कल बडुलै 11 बजे सामूहिक प्रस्तावना दा पाठ, सभनें जिलें च न्याय- आजादी- समानता ते भाईचारे लेई द्रौड़ ते संवैधानिक विशें पर विशेष फिल्मां ते संदेश दस्सना शामिल ऐ। इस अभियान तैहत पैहले गै प्रदेश भरै च 5 ज्हार 9 आयोजन होई चुके दे न। नागरिकें गी ऑनलाईन संगंध चुकने ते संविधान Quiz च शामिल होने लेई प्रोत्साहित कीता गया ऐ।

<><><><><><>

Reasi Raids

रियासी जिले च हाल च आई दी हाड़ ते बरखें करी तबाह होई दी शिड़कें गी बहाल करने आस्तै व्यापक अभियान चलाया गेआ। केंद्र सरकार नै इक खास बुनियादी ढांचे दी बहाली आस्तै 400 करोड़ रपे दी माली मदद कीती ऐ तां जे बगैर कुसै रूकावट दे तबाह होई दी शिड़कें गी बहाल कीता जाई सकै। इस पैहलकदमी दी शुरूआत अज्जै थमां होई गेई ऐ जिसी रियासी दी एस.एस.पी दफ्तर रोड थमां विधायक कुलदीप राज दुबे होरें औपचारिक तौर पर शुरू करोआया। इस मौके पर लोकें दा संबोधन करदे होई विधायक होरें आखेआ

इस बारै होर जानकारी दिंदे होई पी.डब्ल्यू.डी दे रियासी जिले दे एग्जीक्यूटिव इंजीनियर पवन कुमार होरें आखेआ

<><><><><><>

Anti Smoothing Drive

रामबन दे खाद्य सुरक्षा विभाग नै जिले च धूम्रपान विरोधी अभियान चलाया। इस अभियान दा मकसद उनें लोकें गी जुमर्ना करना हा जेडे सार्वजनिक थाहरें पर धूम्रपान करदे न। एहदा मकसद जिले गी तम्बाकू मुक्त बनाना ते लोकें गी धूम्रपान करने थमां रोकना बी हा। इनें अभियानें च जगह-जगह निरीक्षण, सार्वजनिक जागरूकता अभियान, जुर्माना करने समेत होर गतिविधियां शामिल हियां। इस बारै होर जानकारी दिंदे होई जिला खाद्य सुरक्षा अधिकारी बलवीर सिंह होरें आखेआ

<><><><><><>

Weather

जम्मू-कश्मीर दे मकामी मौसम विभाग नै आखेआ ऐ जे केंद्र शासित प्रदेश च अगले 2 हफ्ते तोड़ी खुशक मौसम रौहने दे असार न ते औने आहले दिनें च तापमान होर घडी सकदा ऐ ते धुंध बी पेई सकदी ऐ। आकाशवाणी दे जम्मू संवाददाता हुंदी रिपोर्ट मुजब मौसम विभाग दा आखना ऐ जे पहली दिसंबर तोड़ी समूलचे जम्मू-कश्मीर च खुशक मौसम रौहने आहला ऐ ते 2 दिसंबर गी मौसम बदली सकदा ऐ ते दपैहरी'लै बदल घनोने दे असार न जेदे करी किश-किश थाहें पर हल्की बर्फ बी पेई सकदी ऐ।

<><><><><><>